

# UGOVOR

Br: 0602-3702-6/19

## Nabavka konsultantskih usluga

### UGOVORNE STRANE:

**UGOVORNI ORGAN:** KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)  
ID broj: 4200119040004; Porezni broj PDV: 200119040004.

**DOBAVLJAČ:** „Pravno savjetovanje“ Sarajevo, Mraovac 3, kojeg zastupa direktor Belma Izmirlija (u daljem tekstu: Dobavljač)  
ID broj: 430227492000;

### UVODNE ODREDBE

#### Član 1.

Ugovorne strane sklapaju ovaj Ugovor na osnovu provedenog direktnog postupka javne nabavke konsultantskih usluga –( sačinjavanje pisanog mišljenja od strane dobavljača usluga o usklađenosti internih opštih akata Ugovornog organa, s važećim zakonskim i podzakonskim propisima, uključujući davanje prijedloga za dopune i /ili izmjene istih.) prihvaćene ponude Dobavljača broj 0602-3702-4/19 od 23.10.2019. godine i Odluke o izboru najpovoljnijeg ponuđača broj 0602-3702-5/19 od 24.10.2019. godine.

### PREDMET UGOVORA

#### Član 2.

1) Predmet ovog Ugovora je nabavka konsultantskih usluga -sačinjavanje pisanog mišljenja od strane dobavljača usluga o usklađenosti internih opštih akata Ugovornog organa, s važećim zakonskim i podzakonskim propisima, uključujući davanje prijedloga za dopune i /ili izmjene istih.

2) Popis internih opštih akata iz stava 1. ovog člana, čine prilog broj 1 i sastavni je dio ovog ugovora.

### UGOVORENA CIJENA

#### Član 3.

Ugovorena cijena za usluge iz člana 2. ovog Ugovora iznosi:

Cijena usluge koja su predmet ovog Ugovora bez PDV-a iznosi 5.900,00 KM

Dobavljač nije u sistemu PDV-a

### PLAĆANJE

#### Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 10 (deset) dana nakon prijema uredno ispostavljene fakture za izvršene usluge, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

### ROK REALIZACIJE

#### Član 5.

Dobavljač se obavezuje da će uslugu definisanu članom 2. ovog Ugovora izvršiti u roku od 60 (šezdeset) dana od dana potpisivanja ugovora.

## UGOVORNA KAZNA

### Član 6.

U slučaju kašnjenja u izvršenja usluga do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima, u iznosu od 1‰o naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluge koja je predmet narudžbe.

Odabrani dobavljač je dužan platiti ugovornu kaznu u roku od 7 (sedam) dana od dana prijama zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

## OSNOVNE OBAVEZE DOBAVLJAČA

### Član 7.

- 1) Dobavljač se obavezuje da će pisano mišljenje iz člana 2. ovog ugovora sačiniti savjesno i odgovorno, u skladu s pravilima struke, poštujući važeći zakonski i podzakonski pravni okvir u Bosni i Hercegovini.
- 2) Dobavljač nije ovlašten da zaključuje podugovore sa drugim licima s ciljem realizacije ugovornih obaveza, bez prethodnog pismenog odobrenja Ugovornog organa.

## OSNOVNE OBAVEZE UGOVORNOG ORGANA

### Član 8.

- 1) Ugovorni organ se obavezuje da će Dobavljaču dostaviti interne opšte akta iz člana 2. ovog ugovora, nakon obostranog potpisivanja ovog ugovora, bez odlaganja.
- 2) Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

## POVJERLJIVOST

### Član 9.

- 1) Dobavljač ovim potvrđuje da odnos koji proizilazi iz ovog Ugovora stvara odnos povjerenja između Dobavljača i Ugovornog organa u pogledu upravljanja informacijama povjerljive, vlasničke prirode ili prirode poslovne tajne, bilo da su sačinjene od strane Ugovornog organa za vrijeme trajanja ovog ugovora ili od strane drugih lica zaposlenih kod Ugovornog organa.
- 2) Povjerljive vlasničke informacije su bilo koje informacije, podaci, dokumenta i znanja koja proizilaze iz aktivnosti Ugovornog organa i/ili informacije, podaci, dokumenta i znanja čija je predložena upotreba namijenjena za izvršavanje ugovorenih registrovanih aktivnosti, razvoj poslovanja Ugovornog organa ili za obezbjeđivanje interne usklađenosti Ugovornog organa sa zakonima uključujući ali bez ograničenja i: analizu konkurentnosti, poslovne i finansijske planove ili predviđanja, finansijske informacije koje nisu javne, bilo kakve finansijske i pravne informacije, podatke, dokumenta, ugovore, pisma o preuzimanju obaveze, prijedloge savjeta, ponude, prijedloge cijena ili ponude, finansijska, poslovna i pravna dju dilidžens dokumenta, podatke i izvještaje, finansijske modele, bilo da su dobijeni od klijenata, sačinjeni od strane Ugovornog organa za vrijeme važenja ovog Ugovora ili drugih lica zaposlenih kod Ugovornog organa, u preduzećima sa vlasničkim udjelom ili u povezanim preduzećima; sve informacije ili materijal koji se odnose na bilo koja znanja Ugovornog organa u poslovima i sa njim povezanih oblasti uključujući; klijente ugovornog organa kao i spiskove Ugovornog organa kao i bilo koje druge informacije koje Ugovorni organ drži u svojoj bazi podataka a koje se odnose na klijente, potencijalne klijente, zaposlene i bivše zaposlene bilo da su iste dobijene od klijenata, sačinjene od strane Dobavljača, ili sačinjene od strane drugih lica zaposlenih kod Ugovornog organa, u preduzećima sa vlasničkim udjelom Ugovornog organa ili u povezanim preduzećima; sve softvere i druge tehnologije licencirane od strane ili za Ugovornog organa ili za koje Ugovorni organ dobio licencu od trećeg lica; i sve informacije za koje Ugovorni organ ima pravnu ili profesionalnu obavezu da iste tretira kao povjerljive, ili koje Ugovorni organ tretira kao Povjerljive vlasničke informacije ili odredi kao povjerljive ili kao one samo za internu upotrebu, bilo da su dobijene od klijenata, sačinjene od strane Dobavljača

za vrijeme važenja ovog Ugovora, ili sačinjene od strane drugih lica kod ugovornog organa. Povjerljive vlasničke informacije ne podrazumevaju informacije koje postanu opšte poznate (na način koji ne podrazumijeva grešku Dobavljača ili kršenje njegovih obaveza) za vrijeme ili nakon raskida ovog ugovora.

- 3) Dobavljač se obavezuje da će sve vrijeme trajanja ugovornog odnosa koji proizilazi iz ovog ugovora, i neograničeno nakon prestanka istog, Povjerljive vlasničke informacije tretirati kao povjerljive. Dobavljač neće ni na koji način, prenijeti, objaviti, objelodaniti ili prijaviti Povjerljivu vlasničku informaciju, direktno ili indirektno, osim onda kada ovo objelodanjivanje drugim ovlašćenim licima kod Ugovornog organa ili ovlašćenim trećim licima može biti potrebno u uobičajenom izvršavanju obaveza za Ugovornog organa, ili kako to Ugovorni organ drugačije naloži. Dobavljač se obavezuje da neće koristiti Povjerljive vlasničke informacije osim tokom izvršavanja svojih dužnosti za Ugovorni organ i obezbijediće u svakom pojedinačnom slučaju da se odgovarajuće objelodanjivanje Povjerljivih vlasničkih informacija za vrijeme izvršavanja dužnosti za Ugovornog organa sprovodi pod pokrićem ugovora o povjerljivosti informacija ili na drugi način u kontekstu iz kog proističe dužnost profesionalne povjerljivosti za stranu koja prima Povjerljive vlasničke informacije. Dužnost čuvanja povjerljivih informacija koja proizilazi iz odredaba ovog Ugovora, trajno važi i nakon prestanka ovog Ugovora. Stoga, Dobavljač ima obavezu da Povjerljive vlasničke informacije smatra povjerljivim sve vrijeme nakon prestanka ovog Ugovora i da ne objelodanjuje bilo koju od Povjerljivih vlasničkih informacija nekom drugom licu osim pod snagom sudskog naloga, i tada samo u potrebnoj mjeri i organu javne vlasti koji je naveden u sudskom nalogu.
- 4) U slučaju da Dobavljač prekrši odredbe ovog ugovora o čuvanju povjerljivih vlasničkih informacija usljed zlonamjernog ponašanja ili nemara, dužan je da nadoknadi štetu koju je pretrpio Ugovorni organ, uključujući i gubitak dobiti i štetu nanijetu ugledu, procijenjenu od strane suda.

## **RASKID UGOVORA**

### **Član 10.**

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora, ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

## **RJEŠAVANJE SPOROVA**

### **Član 11.**

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

## **ZAVRŠNE ODREDBE**

### **Član 12.**

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

**Član 13.**

Ovaj Ugovor stupa na snagu danom obostranog potpisivanja Ugovora od strane ovlaštenih lica ugovornih strana.

**Član 14.**

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

**UGOVORNI ORGAN**  
KJKP „POKOP“ d.o.o. Sarajevo

\_\_\_\_\_  
Direktor, Goran Cerić



**DOBAVLJAČ**

Pravno savjetovanje Sarajevo

**"PRAVNO SAVJETOVANJE"**

vl. Izmirlija Belma

\_\_\_\_\_  
Sarajevo, Mraovac br. 3 Direktor, Belma Izmirlija

Broj, 0602-3702-6/19  
Sarajevo, 24.10.2019. god.

Broj, 22 / 19  
Sarajevo, 24.10.2019 god.